

**DUTORON, notaire de Toulouse, minutes 1640, f° 221, Archives  
départementales de la Haute-Garonne, cote 3 E 3553, PH/GB/120404.**

Mariage

Meriq  
Busque

Au nom de la tres( )saincte trinitte soict tout  
faict saichent touttz presans et advenir que ce  
jourd huy quatorzie(sme) du mois de novemb(re)  
l an mil six cens quarante a t(oulou)se apres midy  
ma(is)on d habita(ti)on de l( )hereditte de feu jean langlois  
mar(chan)t bahuttier chesie(r) vis a vis le coing de gostier (gestier ?)  
regnant louys par la grace de dieu roy de  
france et de navarre pardevant moy no(tai)re  
ont este personnellement establys m(aît)re  
francois meric huissier en parlemant acisté de  
m(aît)re francois de bernard procur(reur) aud(it) parlemant  
- son oncle - d une part et honeste filhe jeanne de bosque  
filhe legitime et naturelle de sieur pierre  
de busque mar(chan)t chaussatier de t(oulou)se et de feu(e)  
madonne catherine de langlois acistee  
dud(it) s(ieu)r busque son pere et des au(tr)es ses  
parens et amis bas nommes et soubz(sig)nes  
d autre lesquelles partyes ont dict que sur  
le proparte de mariage traicte par parolle  
et de futeur d entre lesd(its) meric et  
lad(ite) de busque lesd(ites) partyes ont faictz  
et arrestes les pactes et conventions  
dud(it) mariage telles que s( )en( )suyt c( )est  
premierement que led(it) meric promect prendre  
a fame et loyalle espouse lad(ite) de busque  
et icelle reciproquemant avec le voulloir

& consentemant presance et acistance tant de  
sond(it) pere que de sesd(its) parentz et amys sy  
acistans promect prendre a mari et loyal  
espoux led(it) meric lequel mariage par le  
voulloir de dieu se solempnisera en face de  
no(tr)e mere sainte esglize catholique et  
apostolique romaine quand l une des partyes  
]faira[ en requera l autre et pour  
susporta(ti)on des charges dud(it) mariage et en  
fabveur et contempla(ti)on d icelluy ladicte de  
busque futeure espouse de l advis que dessus  
s( )estre constitué et constitue eu nom d adot  
audict meric son futeur espoux toutz et  
chascungz ses biens et droictz presans et advenir  
quy luy sont advenus par le deces de  
lad(ite) feu de langlois que par le deces  
et hereditte dud(it) feu jean langlois son oncle

que d autre part pacte neantmoingz accordé  
que led(it) busque pere demeurera jouyssant  
pendant sa vie de l( )adot de lad(ite) feue de  
langlois sa mere et sans prejudice  
aussy des droictz de succession quy peuvent  
competer a ladicte futeure sur les biens  
de sondict pere apres le deces d icelluy  
sy a este convénu qu( )il sera loisible  
aud(it) meric de pouvoir vendre et allier  
la ma(is)on a elle laissee et donnee par  
led(it) feu langlois son oncle par son testament  
et suyvant la condi(ti)on contenue en icelluy  
pour employer le provenant de la liquida(ti)on  
de sond(it) office a la charge que lad(ite) futeure  
espouse sera subrogee aux hyppotheques du

222

creancier quy recepvra le payem(en)t du prod[ui]ct  
de la vente de lad(ite) ma(is)on, convenu et  
accordé qu( )en cas de predeces de lad(ite)  
de busque audict meric il gaignera  
toute lad(ite) constitution dotalle saufz qu( )en  
cas il n( )y aura point d enfans du  
presant mariage elle pourra disposer  
de la somme de mille livres et de  
ses robbes bagues et joyeaulz en fabveur ^°  
de quy bon luy semblera ; et au cas contraire  
led(it) meric venant a predeceder a lad(ite) futeure  
espouse elle recouvrera toutz et chascungz  
ses biens ensemble l( )augmant quy a  
este convenu a la somme de mille livres  
et jusques au recouvremant entier elle  
sera nourrie et entretenue sur les biens dud(it)  
futeur espoux suyvant sa qualite et portee  
d( )iceulz ayant lesd(ites) partyes faictz et accordes les  
p(re)se)ns pactes suyvant et conformemant aux  
us et coustumes de t(oulou)se pour l observa(ti)on  
desquelz les partyes chascun en ce que les  
conserne obligent leurs biens sousmis  
respectivement aux rigueurs de justice  
de ce royaulme presans et acistantz  
pierre codaute cousin germain de lad(ite) futeure  
espouse pierre jouanne aussy cousin de lad(ite)  
duteure espouse, estienne montamat  
m(aît)re chandellier beau f(rer)e dud(it) meric monsieur m(aît)re  
pierre d olivier pourveu d( )un office de con(seill)er au  
parlemant de t(oulou)se messieurs m(aît)re jean dolmier  
charles de cetier ]docteurs[ dominique  
d( )olivier, gabriel de( )lagarrigue, jacques  
de chastenet docteurs et ad(voca)tz en la cour m(aît)re

jean viallas jacques d( )allas ^° procur(eur)s en la

cour de m(onsieu)r le sen(ech)al de t(oulou)se soubz(sig)nes avec led(it)  
futeur espoux busque pere et de bernard  
et gailhard cambel faiseur d instrumentz dictz  
musicaux de t(oulou)se quy ne scait signer moingz  
lad(ite) futeure espouse et au(tr)es y acistans  
& moy ^°de ses fraires ou d autres ^°bernard  
porte

*(Suivent les signatures et les approbations du guidon.)*